


冷苑珠林

才三十七

四百八十四  
隸七

51415



元祿九年丙子二月日重脩

皇圖聖圖 帝階綴呂

佛日增輝 懺輪常轉

山城州天安寺法金剛院置





法苑珠林卷第三十七

大唐上都西明寺沙門釋道世撰

隸

敬塔篇第三十五 此有六部

述意部 引證部 興造部

感福部 旋遶部 脩故部

述意部第一

敬惟如來應現妙色顯於三千正覺  
形傳於八萬是以塔踊靈山影留石窟  
剋檀畫壘之儀鑄金鏤玉之狀全身碎身之迹聚  
塔散塔之奇而光曜重昏福資含識致使英  
聲遐美邪徒結信肇啓育王之始終傳大唐  
之初自歷代繁興神化非一故經曰正法住





正法滅意存茲乎

引證部第二

如觀佛三昧經云佛留影石室在那乾呵羅國毒龍池側佛坐龍石室窟中爲龍作十八變踊身入石猶如明鏡在於石內映現於外遠望則見近望不現諸天百千供養佛佛影亦說法迄今不滅待至弥勒又集經云忉利天城東照明

園中有佛髮塔城南鹿澁園中有佛衣塔城西歡喜園中有佛鉢塔城北駕御園中有佛牙塔又智度論云天帝釋取菩薩髮及衣於天上城東門外立佛髮塔衣塔又育王傳云王得信心問道入曰我從來殺害不必以理今修何善得免斯殃答曰唯有起塔供養衆

僧救諸徒囚賑濟貧乏

故譬喻經云王宮內常以四事供養

沙門盡心被禮不可具述

王曰何處可起塔道人即以神

力左手掩日光作八万四千道散照闍浮提

所照之處皆可起塔今諸塔處是也時王欲

建舍利將四部兵衆至王舍城取阿闍世王

佛塔中舍利還復脩治此塔與先無異如是

更取七佛塔中舍利至衆摩村中時諸龍王

將王入龍宮中王從龍索舍利供養龍即分

與之時王作八萬四千金銀瑠璃頗梨篋盛

佛舍利又作八萬四千寶瓶以盛此篋又作

無量百千幡幢繖蓋使諸鬼神各持舍利供

養之具勅諸鬼神言於闍浮提至於海際城



邑聚落滿一億家者為世尊立塔時有國名  
奢義尸羅有三十六億家彼國人語鬼神言  
可三十六箇舍利與我等起立佛塔王作方  
便國中人多者今分與彼令滿家數而立為  
塔時巴連弗邑有上座名曰耶舍王詣彼所  
白上座曰我欲一日之中立八萬四千佛塔  
遍此闍浮提意願如是時彼上座白言善哉  
大王尅後十五日正食時今此闍浮提一  
時起諸佛塔如是依數乃至一日之中立八  
萬四千塔世間人民興慶無量共号曰阿育  
王塔又大阿育王經云八國共分舍利阿闍  
世王分數得八萬四千又別得佛口鬚髮國

道中逢難頭禾龍王從其求舍利分阿闍世  
王不與便語言我是龍王力能壞汝國土阿  
闍世王怖畏即以佛髮與之龍還於須彌山  
下高八万四千里於下起水精塔阿闍世王  
得還國以此紫金函盛舍利作千歲燈火於五  
恒河沙水中塔藏埋之後阿育王得其國土主  
娶夫人身長八尺髮亦同等衆相具足王令  
相師觀之師言當為王生金色之子王即拜  
為第二夫人後還有娠足滿十月王有緣事  
宜出外行王大皇后妬嫉便作方便共欲除  
之慕覓猪母即應產者語第二夫人言卿是  
少甫尔始產不可露面視天以被覆面即生



金色之子光照宮中盜持兒去殺之即以猪  
子著其身邊便罵言汝云當爲王生金色之  
子何故生猪便取輪頭拍囚內後園中令販  
菜王還聞之不悅久久之後王出行園見之  
慝念迎取歸宮第二夫人漸得親近具說情  
狀王聞驚恠即殺八万四千夫人阿育王後  
於城外造立地獄治諸罪人佛知王殺諸夫  
人應墮地獄即遣消散比丘化王主發信悟  
問比丘言殺八万四千夫人罪可得贖不道  
人言各爲人起一塔塔下著一舍利當得脫  
罪耳王即尋覓阿闍世王舍利有國相父年  
百二十將五百人取本舍利王得大喜即發



與鬼神各還所部令一日一時同戴八万四  
千刹諸鬼神言多隔山郭不得相知王言汝  
曹但還治槃護刹安鈴我當使阿脩輪以手  
摸日四天下亦同時震又阿育王經云塔成  
造千二百織成幡及雜華未得懸幡王身崩  
沒塔成已六日王請僧至園供養時有優波  
毘多羅漢將一万八千阿羅漢受王請尊者  
以多顏貌端正身體柔軟而王體醜陋肌膚  
麤澁尊者即說偈言

我行布施時 淨心好財物 不如王行施  
以沙施於佛

王告大臣我以沙施佛報獲如是云河而不

修敬於世尊王後尋佛弟子迦葉阿難等所  
有佛在世時弟子塔廟躬到塔所具展哀情  
責心修敬各興種種供養更立大塔各捨十  
万兩珍寶供養是塔次至薄拘羅塔應當供  
養王問彼有何功德崛多尊者答曰彼無病  
第一乃至不爲人說一句法寂默無言王曰

以一錢供養諸臣白王言功德既等何故於  
此供養一錢王告之曰聽吾所說偈

雖除無明癡

智慧能鑒察

雖有薄拘羅

於世何所益

時彼一錢還來至王所時大臣輩見是希有

事異口同音讚彼嗚呼尊者少欲知足乃至



不須一錢王及供養菩提樹不絕夫人名曰  
佉舍羅締多作念王極愛念於我念王今捨  
我珍寶至菩提樹間我方便殺樹令死王不  
得往可得與我相娛夫人即遣人以熱乳澆  
之樹枯葉落王聞是語迷悶躄地夫人見王  
憂愁不樂當悅王心白王曰若無彼樹我命  
亦無如來於彼樹行道彼樹既無何用活耶  
復以冷乳灌之彼樹更生王聞歡喜詣於樹  
下目不暫捨以千甕香湯漑灌菩提樹倍復  
嚴好增長茂盛後王潔淨身心手執香鑪在  
於殿上向西方作禮心念口言如來賢聖弟  
子在諸方者憐愍我故受我供養如是語時

有三十万比丘悉來集彼大眾中十方是阿  
羅漢二十万是學人及凡夫宮人太子群臣  
共王所作功德無量不可述盡 又雜阿含  
經云阿育王問比丘言誰於佛法中能行大  
施諸比丘言給孤獨長者最行大施王問彼  
施幾許比丘答曰以捨億千金王聞已彼長者  
尚能捨億千金我今爲王何緣復以億千金  
施當以億百千金施乃至用私藏盡將此閻  
浮提夫人嫫女太子大臣摠施與聖僧後用  
四十億金還復贖取如是計按摠用九十六  
億千金乃至王得重病自知命盡常願以億  
百千金作功德今願不滿便就後世唯減四



億未滿王即辦諸珍寶送與雞頭摩寺乃至  
以半阿摩勒果送與僧禮拜僧足問評大聖  
衆等我領此闍浮提是我所有今者頓盡不  
得自在唯此半果哀愍納受令我得福上座  
耶舍令研磨著石榴羹中行之一切皆得周  
遍王復問傍臣曰誰是闍浮提王諸臣啓王  
言大王是也時王從卧起而坐願望四方合  
掌作禮念諸佛功德心念口言我今復以此  
闍浮提施與三寶時王書紙上而封緘之以  
齒印印之作如是事畢即便無常尔時太子  
及諸人民興種種供養塋送如王之法而闍  
維之又法益經云尔時諸大臣言今是大

地屬於三寶云何而立太子為王諸臣語已  
共議出四億金送與寺中將贖其地 又善  
見論云阿育王以金錢九十六億起八萬四  
千寶塔復大種種布施 興造部第三

述曰上來所引經論興置所由其已知乎然  
未識塔義是何復有幾種所為之人復通凡  
不答曰梵漢不同翻譯前後致有多名又有  
訛正所云塔者或云塔婆此云方墳或云支  
提翻為滅惡生善處或云斗藪波此云護讚  
若人讚歎擁護歎者西梵正音名為窣堵波  
此云廟廟者貌也即是靈廟也安塔有其三  
意一表人勝二令他信三為報恩若是凡夫



比丘有德望者亦得起塔餘者不合若立支  
提有其四種一生處二得道處三轉法輪處  
四涅槃處諸佛生處及得道處此二處有支  
提生必在阿輸柯樹下此云無憂樹此是夫  
人生太子之處即号此樹為生處支提如來  
得道在於菩提樹下即呼此樹下為得道支  
提如來轉法輪及涅槃處此二無定初轉法  
輪為五比丘在於鹿苑縱廣各二十五尋一  
尋八尺古人身大故一尋八尺合二十丈今  
天竺人處處多立轉法輪取一好處而依此  
量豎三石安三輪表佛昔日三轉法輪相即  
名此處為轉法輪支提如來入涅槃處安置

舍利即名此處為涅槃支提現今立寺名涅槃寺此則為定若據舍利處處起塔則為不定此四亦名宰堵波 又毗婆沙論云若人起大塔如來生處轉法輪處若人取小石為塔其福等前大塔所為尊故若為如來大梵起大塔或起小塔次所為同故其福無量又阿舍經云有四種人應起塔一如來二辟支佛三聲聞四輪王 又十二因緣經云有八人得起塔一如來二菩薩三緣覺四羅漢五阿那含六斯陀含七須陀洹八輪王若輪王已下起塔安一露槃見之不得禮以非聖塔故初果二露槃乃至如來安八露槃八槃已上並



是佛塔 又僧祇律云初起僧伽藍時先規  
度好地將作塔處不得在南不得在西應在  
東應在北不侵佛地僧地應在西在南作僧  
房佛塔高顯處作不得塔院內浣滌曬衣唾  
地得爲佛塔四面作龕作師子鳥獸種種綵  
畫內懸幡蓋得爲佛塔四面造種園林華果  
是中出華應供養塔若樹檀越自種檀越言  
是中華供養佛果與僧食佛言應從檀越語  
若華多者得與華鬘家語言亦許華作鬘與  
我餘者與我亦許直若得直得用然燈買香  
以供養佛兼得治塔若直及多者得置佛無盡  
物中若人言佛無貪怒癡但自莊嚴用是華

果而受樂者得罪報重。佛言亦得作支提。  
有舍利者名塔。無舍利者名支提。如佛生處。  
得道處。轉法輪處。佛泥洹處。菩薩像。辟支佛。  
像。佛腳跡處。此諸支提。得安佛華蓋。供養。若  
供養中上者。供養佛塔下者。供養支提。若卒  
風雨來。應收供養具。隨近安之。不得言我是  
上座。我是阿練若。乞食大德等。得越毗尼罪。  
若塔僧物。賊來急時。不得藏。舉佛物。應莊嚴。  
佛像。僧座具。應敷安置。種種飲食。令賊見。相  
若起慈心。賊問比丘。莫畏。出來。年少。應看。若  
賊卒至。不得藏物者。應言一切行無常。作是  
語已。捨去。是名難法。

感福部第四

支提



如小未曾有經云佛告阿難若有一人盡四  
天下滿中草木皆悉爲人得四道果及辟支  
佛盡壽四事供養所須具足至滅度後一一  
起塔香華幢幡寶蓋供養復造帝釋大莊嚴  
殿用八萬四千寶柱八萬四千寶窓八萬四  
千天井寶窓八萬四千樓閣四出圓遶  
衆寶校飾若有善男子善女人作如上百千  
億大莊嚴殿用施四方僧其福雖多然不如  
有人於佛般涅槃後以如芥子舍利起塔大  
如菴摩勒果其剎如針上施槃蓋如酸棗葉  
若佛形像如麤麥大勝前功德滿足百倍不  
及一千倍萬倍百千萬倍所不能及不可稱

量阿難當知如來無量功德戒分定分智慧  
分解脫分知見解脫分無量功德有大神通  
變化及六波羅蜜如是等無量功德 又無  
上依經云阿難向佛合掌而作是言我於今  
日入王舍乞食見一大重閣莊嚴新成內外  
宛密若有清信人布施四方僧并具四事若  
如來滅後取佛舍利如芥子大安立塔中起  
塔如阿摩羅子大戴刹如針大露槃如來葉  
大造佛如麥子大此二功德何者為勝佛告  
阿難如滿四天下四果聖人及辟支佛如甘  
蔗林竹荻麻田等若有一人盡壽供養四事  
具足及入涅槃後悉起大塔供養然燈燒香



衣服幢幡等阿難於意云何是人功德多不  
阿難言甚多世尊阿難且置又如帝釋天宮  
住處有大飛閣名常勝殿種種寶裝各八萬  
四千若有清信男子女人造作如是常勝寶  
殿百千拘胝施與四方衆僧若復有人如來  
般涅槃後取舍利如芥子大造塔如阿摩羅  
子大戴刹如針大露盤如來來葉大造佛形像  
如麥子大此功德勝前所說百分不及一千  
百億分乃至阿僧祇數分所不及一及譬喻  
所不及何以故如來無量功德故縱碎娑婆  
世界末爲微塵以此次第悉是四沙門果及  
辟支佛若有清信男女盡形供養及以滅後

起塔供養亦不如取舍利如芥子大乃至造  
像如麥子大此功德前所說百分千萬億分  
不及一分乃至筭數譬喻所不能及如是阿  
難一切如來昔在因地知衆生界自性清淨  
客塵煩惱之所汙濁然不入衆生清淨界中  
能爲一切衆生說深妙法除煩惱障不應生  
下劣心以大量故於諸衆生尊重心起大  
師敬起般若起闍那起大悲依此五法菩薩  
得入阿鞞跋致位此云不退依如證大方便得阿  
耨菩提 又涅槃經云若於佛法僧供養一  
香燈乃至獻一華則生不動國善守佛僧物  
塗掃佛僧地造像塔如母拍常生歡喜心亦



生不動國此即淨土常嚴不爲三灾所動也  
又僧祇律云佛於拘薩羅國遊行時波婆羅門  
耕地見世尊過持牛杖柱地禮佛世尊見已  
便發微笑諸比丘白佛何因緣故笑唯願欲  
聞佛告諸比丘是波婆羅門今禮二佛諸比  
丘白言何等二佛佛告比丘禮我杖下有迦  
葉佛塔諸比丘白佛願見迦葉佛塔佛告諸  
比丘汝從此波婆羅門索土塊并是地即便索  
之時波婆羅門便與之得已 尔時世尊即現  
出迦葉佛七寶塔高一由延其面廣半由延  
婆羅門見已便白佛言我姓迦葉是我迦葉  
土埠 尔時世尊即於彼處作迦葉佛塔諸

比丘白佛我得授泥不佛言得授即說偈言  
真金百千萬 持用行布施 不如一團泥

敬心治佛塔 尔時世尊敬過去佛故便自

禮諸比丘亦禮佛說偈言 人等百千金

持用行布施 不如一善心 恭敬禮佛塔

尔時比丘即持香華來奉世尊敬過去佛故

即持供養塔佛即說偈言 百千車真金

持用行布施 不如一善心 香華供養塔

尔時大衆雲集佛告舍利弗汝為諸人說法

佛說偈言 百千閻浮提 滿中真金施

不如一法施 隨順令修行

尔時座中有得道者佛說偈言



百千世界中。滿中真金施。不如一法施。  
隨順見真諦。又法句喻經云。昔佛在世時。  
遣一羅漢名曰須曼。持佛髮爪。至罽賓國南  
山之中。造佛塔寺。中常有五百羅漢。旦夕燒  
香。遶塔禮拜。時山中有五百獼猴。見僧遶塔  
禮拜。供養。即共負石。學僧作塔。遶之禮拜。于  
時天雨山水。瀑漲五百。獼猴十時沒。死生切  
利。天七寶宮殿。巍巍無量。衣食自然。快樂無  
極。既得生天。各自念言。我等何緣得來生此。  
即以天眼觀見前身。作其獼猴。由學眾僧戲  
笑。作塔山水。所漂命終。生此。即共相將。賣持  
香華。從天下來。供養死屍。迴詣佛所。禮拜問

評佛為說法五百天子一時皆得須陀洹果  
既得果已還歸天上獼猴學僧戲笑作塔尚  
獲福報魏魏乃介豈況於人信心造塔寧無  
果報 又譬喻經云昔佛涅槃後阿育王國  
有迦羅越其人福德世間希有意有所須應  
念即至其家舍宅七寶所成閣內婦女端正  
少雙晝夜娛樂快樂無極其人信心恒常供  
養二萬餘僧阿育王聞便召見之而語之言  
聞卿大富家有何物即荅王言家無所有王  
不信之便遣人看使至唯見門閣七重舍宅  
堂宇七寶莊嚴魏魏無量使入室中不見餘  
物唯見婦女端正少雙使見即還具以白王



王意漸解時迦羅越知王解已便於王前以手  
東指即時空中七寶雨下不可限量指餘三方  
亦復如是王見乃知是大福德王即詣寺請問  
此事寺有上座得阿羅漢三明六通王問上座  
此迦羅越宿植何福所須自然應念即至上座  
答王乃往過去九十一劫毗波女尸佛入涅槃後  
迦羅越爾時與其四人同共造塔用心徧殷造  
塔成已復以七寶及取好華上塔頭上四面散  
下而以供養發誓願言使我世世食福自然恒  
不斷絕緣是功德從是以來九十一劫不墮惡  
道天上人中食福自然快樂無極爾時但願食  
福無盡不願度脫故至今日唯受勝福未得道

迹又大悲經云佛告阿難若人樂著三有果報  
於佛福田若行布施諸餘善根願我世世莫入  
涅槃以此善根不入涅槃無有是處是人雖不  
樂求涅槃然於佛所種諸善根我說是人必入  
涅槃也又百緣經云昔佛在世時舍衛城中  
有一長者其家巨富財寶無量不可稱計生  
一男兒端正殊妙世所希有其兒兩手各把  
金錢取已還生無有窮盡父母歡喜因為立  
字名曰寶手年漸長大慈心孝順好喜布施  
有人來乞申其兩手出好金錢尋以施之後  
與諸人出城遊觀前到祇洹見佛相好心懷  
歡喜頂禮請佛及比丘僧願受我供阿難語



言設供須財於是寶手即申兩手金錢雨落  
須臾滿地積聚過人佛勅阿難令為營供飯  
食訖已佛為說法得須陀洹歸辭父母求乞  
出家既出家已得阿羅漢果阿難見已而白  
佛言寶手比丘宿殖何福生於豪族手出金  
錢取無窮盡又值世尊出家得道佛告阿難  
昔迦葉佛入涅槃後有迦翅王收其舍利造  
四寶塔時有長者見豎塔棠心生隨喜持一  
金錢安著塔下發願而去緣是功德不墮惡  
道天上人中常有金錢受福快樂乃至今者  
遭值於我出家得道 又百緣經云佛在世  
時迦毗羅衛城中有一長者財寶無量其婦

懷妊生一男兒容貌端正世所希有然其生  
時頂上自然有摩尼寶蓋遍覆城上父母歡  
喜因爲立字名曰寶蓋漸長值佛出家得羅  
漢果佛告比丘乃往過去九十一劫有佛出  
世号毗婆尸遷神入涅槃後有國王名槃頭  
末帝收取舍利造四寶塔高一由旬而供養  
之時有貧賈主入海採寶安隱得來即以摩尼  
寶珠蓋其塔頭發願而去緣是功德九十一  
劫不墮惡趣天上人中常有寶蓋隨共而生  
乃至今者得值於我出家獲道聞佛所說歡  
喜奉行 又百緣經云佛在世時迦毗羅衛  
城中有一長者財寶無量不可稱計其婦生



一男兒端正殊妙世所希有頭上自然有摩  
尼珠時父母因爲立字名曰寶珠年漸長大  
見佛出家成阿羅漢果入城乞食時寶珠故  
在頭上城中人民恠其所以覓來看之深自  
漸耻還歸所止白言世尊我此頭上有此寶  
珠不能使去今者乞食爲人嗤笑願佛世尊  
見却此珠 佛告比丘汝但語珠我今生分  
已盡更不須汝如是三說珠自當去比丘受  
教寶珠不現時諸比丘請佛爲說宿業因緣  
佛告比丘乃往過去九十一劫有佛出世号  
毗婆尸入涅槃後時彼國王名槃頭末帝收  
其舍利造四寶塔高一由旬而供養之時彼

國王入塔禮拜持一摩尼寶珠繫著掌頭願而去緣是功德九十一劫不墮三塗天上人中常有寶珠在其頂上受天快樂至今值佛出家得阿羅漢果比丘聞已歡喜奉行旋遶部第五如菩薩本行經云昔佛在世時佛與阿難入舍衛城而行乞食時彼城中有一婆羅門從外而來見佛出城光相巍巍時婆羅門歡喜踊躍遶佛一币作禮而去佛便微笑告阿難言此婆羅門見佛歡喜以清淨心遶佛一币以此功德從是以後二十五劫不墮惡道天上人中快樂無極竟二十五劫得辟支佛名持觀照祇梨以是因緣若人



旋佛及旋佛塔所生之處得福無量也

又提謂經云長者提謂白佛言散華燒香然  
燈禮拜是爲供養旋塔得何等福佛言旋塔  
有五福德一後世得端正好色二得聲音好  
三得生天上四得生王侯家五得泥洹道何  
因緣得端正好色由見佛像歡喜故何緣得  
聲音好由旋塔說經故何緣得生天上由當  
旋塔時意不犯戒故何緣得生王侯家由頭  
面禮佛足故何緣得泥洹道 有餘福故佛  
言旋塔有三法一足舉時當念足舉二足下  
時當念足下三不得左右願視唾寺中地右  
邊者經律之中制令右邊若左邊行爲神所

呵乃至左遶麥積為俗所責其徒眾矣今時  
行事者順於天時面西北轉右肩袒膊向佛  
而恭也或旋百币十币七币三币各有表  
且論常行三币者表供養三尊止三毒淨三  
業滅三惡道得值三寶故華嚴經偈云

始欲旋塔

當願眾生

施行福祐

究暢道意

遶塔三币

當願眾生

得一向意

不續四毒

又賢者五戒經云旋塔三币者表敬三尊一  
佛二法三僧亦念滅三毒一貪二瞋三癡又  
三千威儀云遶塔有五事一佞頭視地二不  
得踏虫三不得左右顧視四不得唾塔前地  
上五不得中住與人語



法苑珠林卷第三十七


釋音

賑反之忍

麴

反百

也



隸

